

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 26.05.2023թ. թիվ 2316477094 որոշումն անփոփոխ, իսկ վարչական բողոքն առանց բավարարման թողնելու մասին

<<05>> 06 2023թ. 7-13- 5381

ք.Երևան

Ճանապարհային ոստիկանության պետ, ոստիկանության գնդապետ Ն.Սարգսյանս, վերանայելով Էդվարդ Պետրոսյանի ՄԴ/41187-23 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Քաղաքացի Էդվարդ Պետրոսյանը (ծանուցման հասցե՝ քաղաք Երևան, Նուբարաշեն վարչական շրջան, Նուբարաշեն 11-րդ փողոց, 9 շենք, 15 բնակարան) դիմումով իր անհամաձայնությունն է հայտնել Ճանապարհային ոստիկանության վարչական տույժ նշանակելու մասին 26.05.2023թ. թիվ 2316477094 որոշմանը՝ նշելով, որ երթևեկել է ՀՀ ՆԳՆ ոստիկանության Պարեկային ծառայության ծառայողի հրահանգով:

Դիմումի քննարկման արդյունքում պարզվել է, որ 26.05.2023թ. թիվ 2316477094 որոշումը ենթակա է կատարման հետևյալ պատճառաբանությամբ.

<<Տեսանկարահանող կամ լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 3-րդ հոդվածի 1-ին մասի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած տեսանյութն է կամ լուսանկարը, որը պարունակում է նաև տեխնիկական միջոցով արձանագրված տվյալները:

ՀՀ կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> 28.06.2007թ. թիվ 955-Ն որոշման 51-րդ կետի համաձայն՝ ոչ ռելսագնաց տրանսպորտային միջոցների համար երթևեկության գոտիների քանակը որոշվում է գծանշմամբ և (կամ) 5.15.1՝ «Երթևեկության ուղղությունները գոտիներով», 5.15.2՝ «Երթևեկության ուղղությունները գոտիով», 5.15.7՝ «Երթևեկության ուղղությունը գոտիներով» և 5.15.8՝ «Գոտիների քանակը» նշաններով, իսկ եթե դրանք բացակայում են, ապա վարորդների կողմից՝ հաշվի առնելով երթևեկելի մասի լայնությունը, տրանսպորտային միջոցների եզրաչափերը և դրանց միջև անհրաժեշտ միջկողային տարածությունը: Միաժամանակ 5.15.2՝ <<Երթևեկության ուղղությունները գոտիով>> ճանապարհային նշանը ցույց է տալիս երթևեկության թույլատրելի ուղղությունները գոտիով:

Ճանապարհային ոստիկանության վարչական տույժ նշանակելու մասին 26.05.2023թ. թիվ 2316477094 որոշման հիմքում դրված տեսանյութի մանրակրկիտ ուսումնասիրության արդյունքում պարզվել է, որ 19.05.2023թ. ժամը՝ 09:09-ին, դիմումատուի տրանսպորտային միջոցը Երևան քաղաքի Արշակունյաց-Գարեգին Նժդեհ փողոցների խաչմերուկի հատվածում երթևեկել է 5.15.2՝ «Երթևեկության ուղղությունները գոտիով» ճանապարհային նշանով տվյալ գոտու համար չթույլատրված ուղղությամբ, որն

անխուսափելիորեն չի կատարվել երթևեկության այլ մասնակցի գործողության կամ անգործության պատճառով, հետևաբար թույլ է տվել Վարչական իրավախախտումների վերաբերյալ ՀՀ օրենսգրքի 124-րդ հոդվածի 1-ին մասով նախատեսված արարք:

Վարչական իրավախախտումների վերաբերյալ ՀՀ օրենսգրքի 124-րդ հոդվածի 36-րդ մասի համաձայն՝ ճանապարհային նշանների պահանջները չկատարելու համար սույն հոդվածի 1-ին մասով նախատեսված վարչական իրավախախտումն ունի նվազ նշանակություն այն դեպքում, երբ իրավախախտումն անխուսափելիորեն կատարվել է երթևեկության այլ մասնակցի գործողության կամ անգործության պատճառով:

Վարչական իրավախախտումների վերաբերյալ ՀՀ օրենսգրքի 124-րդ հոդվածի 1-րդ մասի համաձայն տրանսպորտային միջոցների վարորդների կողմից ճանապարհային նշանների կամ ճանապարհային գծանշումների պահանջները չկատարելը՝ առաջացնում է տուգանքի նշանակում՝ սահմանված նվազագույն աշխատավարձի հնգապատիկի չափով:

Նույն օրենսգրքի 252-րդ հոդվածի համաձայն՝ մարմինը (պաշտոնատար անձը) ապացույցները գնահատում է իր ներքին համոզմունքով, որը հիմնված է գործի՝ իրենց ամբողջությամբ վերցված բոլոր հանգամանքների համակողմանի, լրիվ և օբյեկտիվ հետազոտման վրա, ղեկավարվելով օրենքով և սոցիալիստական իրավագիտակցությամբ:

Ինչ վերաբերում է իրավախախտումը ՀՀ ՆԳՆ ոստիկանության Պարեկային ծառայության ծառայողի հրահանգով կատարելու մասին դիմումատուի պնդմանը, ապա ինչպես տվյալ երթևեկելի առաջին եզրային գոտիով երթևեկող տրանսպորտային միջոցների վարորդները, այնպես էլ դիմումատուն պարտավոր էր երթևեկել իր նախընտրած ուղղությամբ՝ դեպի աջ՝ Գարեգին Նժդեհի փողոց, այլ ոչ թե Արշակունյաց պողոտայի ուղղությամբ:

Այսպիսով, վարչական վարույթի ընթացքում հիմնավորվել է, որ դիմումատուին վարչական պատասխանատվության ենթարկելու մասին վերը նշված որոշումն իրավաչափ է և օրինական:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 26.05.2023թ. թիվ 2316477094 որոշումը թողնել անփոփոխ, իսկ վարչական բողոքն առանց բավարարման.
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ Վարչական դատարան՝ օրենքով սահմանված կարգով և ժամկետներում.
3. Սույն որոշման օրինակն ուղարկել Էդվարդ Պետրոսյանին:



Լ. Սարգսյան